



KANTONALNA JAVNA USTANOVA
"DOM ZA SOCIJALNO ZDRAVSTVENO ZBRINJAVANJE
OSOBA SA INVALIDITETOM I DRUGIH OSOBA"
SARAJEVO, Nahorevska 195

Ugovor

o nabavci i isporuci putničkog vozila za potrebe KJU „Dom za socijalno zdravstveno zbrinjavanje osoba sa invaliditetom i drugih osoba“

Zaključen dana 03.07.2019. godine u Sarajevu između

1. Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba" sa sjedištem u Sarajevu, Nahorevska 195, koju zastupa direktorica Sanita Alagić dipl.ecc / u daljem tekstu: **Naručilac** /
i
2. "TRIAB" doo Sarajevo sa sjedištem u Sarajevu ul. Alipašina bb koju zastupa direktor Adis Bunjo / u daljem tekstu: **Dobavljač** /

I. UVOD

Član 1.

Na osnovu provedenog postupka javne nabavke – konkurentski zahtjev za dostavu ponuda – **nabavka i isporuka putničkog/službenog vozila** Ugovorni organ je Odlukom broj: 26-994-2/19 od 01.07.2019.godine odabrao ponudu Dobavljača broj 332/19 od 24.06.2019. godine kao najbolje ocjenjenu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

II. PREDMET UGOVORA

Član 2.

Predmet ugovora je nabavka i isporuka putničkog/službenog vozila za potrebe KJU "Dom za socijalno zdravstveno zbrinjavanje osoba sa invaliditetom i drugih osoba", prema tehničkim karakteristikama i zahtjevima ugovornog organa u provedenom postupku javne nabavke iz člana 1. ovog Ugovora.

Ponuda dobavljača broj: 332/19 od 24.06.2019.godine iz stava 1. ovog člana i dio TD u kojem su iskazane tehničke karakteristike su sastavni dio ovog Ugovora.

III. CIJENA

Član 3.

- Ukupna vrijednost ovog ugovora (bez PDV-a) iznosi : 54.060,00 KM,
- Popust iznosi: 8.786,50 KM
- Ukupna vrijednost ovog ugovora(bez PDV-a)sa uključenim popustom iznosi: **45.273,50 KM**
- PDV (17%) iznosi: 7.696,50 KM,
- UKUPNA VRIJEDNOST/CIJENA (sa PDV-om) iznosi: 52.970,00 KM,

Dobavljač se obavezuje na nepromjenjivost ponuđene cijene.

IV. NAČIN PLAĆANJA

Član 4.

Naručilac se obavezuje da će izvršiti isplatu ukupnog iznosa, iz člana 3. ovog Ugovora u roku od maksimalno 30 dana od dana izvršene isporuke a na osnovu ispostavljene ispravne fakture.

V. MJESTO I ROK DOSTAVLJANJA ROBA

Član 5.

Dobavljač se obavezuje da će robu iz člana 1. ovog Ugovora isporučiti u poslovnom objektu Naručioca ul. Nahorevska broj 195. Centar, Sarajevo u roku od 30 (trideset) dana od dana obostarnog potpisivanja ovog Ugovora.

VI. OBAVEZE DOBAVLJAČA

Član 6.

Dobavljač se obavezuje da će ugovorene robe isporučiti u skladu sa tenderskom dokumentacijom, prihvaćenom ponudom i ovim ugovorom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

VII. OBAVEZE NARUČIOCA

Član 7.

Naručilac se obavezuje da ukupnu vrijednost ugovorene robe iz člana 2. ovog Ugovora, isplati na način i roku iz člana 4. ovog Ugovora.

VIII. BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 8.

Dobavljač je, u smislu osiguranja izvršenja obaveza po ovom ugovoru obavezan Naručiocu dostaviti garanciju za uredno izvršenje ugovora / dobro izvršenje posla u iznosu 10 % ukupne vrijednosti ugovora, sa rokom važnosti garancije: rok izvršenja ugovornih obaveza + 30 dana.

Član 9.

Dobavljač će garanciju iz prethodnog stava dostaviti u roku od 7 dana od dana zaključivanja/obostranog potpisivanja ovog ugovora. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

IX. GARANTNI ROK

Član 10.

Dobavljač garantuje da će isporučeno motorno vozilo biti tvornički novo, neupotrebljavano, originalno i da će funkcionisati saglasno deklarisanim performansama.

Garancija za motor je 5 godina ili 150.000,00 pređenih kilometara a na karoseriju 12 godina, a nakon toga je osiguran servis (na području Kantona Sarajevo) u „TRAIB“ doo Sarajevo ulica Alipašina bb.

U toku garantnog roka iz stava 2. ovog člana, Dobavljač se obavezuje da će u slučaju kvara isporučenog motornog vozila, otkloniti kvar na vozilu u roku od tri dana od poziva Naručioca.

Dobavljač je obavezan dostaviti garanciju za vozilo i detaljne podatke o načinu i uvjetima servisiranja vozila u garantnom i vangarantnom roku, koja čini sastavni dio ovog ugovora.

X. PRELAZNE I ZAVRŠNE ODREDBE

Član 11.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovorajuća odredba Zakona o obligacionim odnosima.

Član 12.

Ugovor je sastavljen u 4 / četiri / istovjetna primjerka, od kojih se ugovornim stranam uručuje po 2 / dva / primjerka.

Ovaj ugovor stupa na snagu danom obostarnog potpisivanja.

NARUČILAC:

Kantonalna javna ustanova
„Dom za socijalno zdravstveno zbrinjavanje
osoba sa invaliditetom i drugih osoba”



Alagić Sanita dipl.ecc, direktorica

Broj: 26-1018115

Datum: 03.07.2019



DOBAVLJAČ:

„TRIAB” doo Sarajevo



Direktor – Adis Bunjović

Broj: TB-017/19

Datum: 03.07.2019



web: <http://kjudom.ba>

e-mail: info@kjudom.ba

tel: +387 (0) 33 250- 820; fax: +387 (0) 33 250-821

Sarajevo, Nahorevska 195